

BESTELAKO XEDAPENAK

JUSTIZIA ETA GIZA ESKUBIDEEN SAILA

3202

AGINDUA, 2026ko ekainaren 24koa, Justizia eta Giza Eskubideen sailburuarena, Vitoria-Gasteizko barruti judizialeko Erregistro Zibilaren bulego orokorreko Justizia Administrazioako langileen lanpostuen zerrenda onartzen duena.

Erregistro Zibilari buruzko uztailaren 21eko 20/2011 Legeak eta arlo horretan gerora egindako lege-aldaketek berekin ekarri dute Erregistro Zibilaren eredu desjudizializatu bat ezartzea baina, antolamenduari dagokionez, Justizia Administrazioaren barruan txertatua.

Hala, Botere Judizialaren uztailaren 1eko 6/1985 Lege Organikoaren 439 bis artikulua ezartzen duenez, Erregistro Zibilaren bulegotzat hartzen da, bulego judizialean integratuta egon gabe, Justizia Administrazioaren antolamendu-eremuan eratzen den unitatea, zerbitzu publiko hori eramateaz arduratzen dena, Erregistro Zibilaren Legean eta Erregulamenduan ezarritakoaren arabera. Zeregin hori garatzeko, funtzionalki Justizia Ministerioari atxikitzen zaio, Segurtasun Juridikoaren eta Fede Publikoaren Zuzendaritza Nagusiaren bidez.

Artikulu horrek ezartzen du, gainera, Erregistro Zibilaren bulego horietako lanpostuak Justizia Administrazioako langileek beteko dituztela, baldin eta kasuan kasuko lanpostu-zerrendan ezarritako betekizunak eta baldintzak betetzen badituzte. Lanpostu horiek zehaztea eskumenak bereganatuta dauzkaten autonomia-erkidegoei dagokie, bakoitzari bere eremuan.

Erregistro Zibilari buruzko uztailaren 21eko 20/2011 Legearen lehenengo xedapen gehigarriak ezartzen du Justizia Administrazioako langileek baino ezin izango dituztela bete Erregistro Zibilaren bulegoetako lanpostuak, eta dagozkien lanpostu-zerrendetan ezarritakoaren arabera antolatuko direla.

Halaber, ezartzen du Erregistro Zibilaren bulegoetarako beharrezkoak diren Justizia Administrazioako lanpostu-zerrendak eta langileen dotazioak Botere Judizialaren uztailaren 1eko 6/1985 Lege Organikoan aurreikusitako prozeduraren bidez zehaztuko direla. Prozedura horrek ezartzen du nola antolatu eta integratu bulego judizialak osatzen dituzten unitateak.

Bestalde, kontuan hartu behar da Justiziaren Zerbitzu Publikoaren Efizientziaren Arloko Neurrien urtarilaren 2ko 1/2025 Lege Organiko berriak eraldaketa garrantzitsua sustatzen duela antolaketa judizial tradizionalaren eremuan, modu mailakatuan ezarri beharrekoa. Horrela, besteak beste, lehen auzialdi judizialaren konfigurazioa aldatzen du: izan ere, pertsona bakarreko epaitegien ereditutik kide anitzeko antolakuntzara igarotzen da, auzialdiko auzitegiak sortuz; bada, bulego judizial berriek auzitegi horiei lagundu behar diete.

Kontuan izanik, lege-aldaketa horien ondorioz Erregistro Zibilaren bulego orokorretako langile-hornidura bulego judizialeatik kenduko dela, komenigarritzat jo da bulego judizial berriko eta Vitoria-Gasteizko barruti judizialeko Erregistro Zibileko bulego orokorretako lanpostu-zerrendak, bai eta lanpostu berrietara egokitzeko prozesuak ere, aldi berean onartzea eta indarrean jartzea.

Horren guztiaren ondorioz, agindu honen xedea aipatutako barruti judizialaren Erregistro Zibilaren bulego orokorrean Justizia Administrazioaren zerbitzura diharduten langileen lanpostu-zerrenda onartzea da.

Azaldutakoagatik, ordezkaritza handieneko erakunde sindikalekin negoziatu ondoren, legez aurreikusitako eskakizunak bete ondoren, eta Justizia eta Giza Eskubideen Sailaren egitura organikoa eta funtzionala ezartzen duen azaroaren 5eko 326/2024 Dekretuak esleitutako eskumenen arabera, honako hau

EBAZTEN DUT:

Lehenengoa.— Erregistro Zibilaren bulego nagusian Justizia Administrazioaren zerbitzura diharduten langileen lanpostu-zerrenda onartzea, Vitoria-Gasteizko barruti judizialean. Zerrenda hori eranskinean dago.

Bigarrena.— Karrerako funtzionarioak lanpostu berrietara egokitzeko prozesua egitea, agindu hau argitaratu ondoren.

Hirugarrena.— Agindu honek Vitoria-Gasteizko barruti judizialean bulego judiziala ezartzen dene-tik aurrera izango ditu ondorioak.

Justizia Administrazioko zuzendariaren ebazpen bidez zehaztuko da ezarpen-data.

Laugarrena.— Agindu honek amaiera ematen dio administrazio-bideari, eta, haren aurka, auke-rako berraztertze-errekurtsoa aurkez dakioke Justizia eta Giza Eskubideen sailburuari, hilabeteko epean, agindua argitaratu eta hurrengo egunetik aurrera; bestela, administrazioarekiko auzi-erre-kurtsoa aurkez daiteke Euskal Autonomia Erkidegoko Auzitegi Nagusiko Administrazioarekiko Auzien Salan, bi hilabeteko epean, argitaratu eta hurrengo egunetik aurrera.

Vitoria-Gasteiz, 2026ko ekainaren 24a.

Justizia eta Giza Eskubideen sailburua,
MARÍA JESÚS CARMEN SAN JOSÉ LÓPEZ.

ERANSKINA

ZENTRO KUDEATZAILEA: JUSTIZIA ADMINISTRAZIOKO ZUZENDARITZA

Destino zentroa: Erregistro Zibilaren Bulego Orokorra.

Udalerria: Vitoria-Gasteiz (Araba).

Lanpostua	Dotazioa	Lanpostuaren izena	Lanpostu mota	Betetzeko era	Taldea	Kidegoa	Titulazio akademikoa	Berriazko ezagutzak	Hizkuntza eskakizuna	Derrigortasun data	Esperientzia	Lanpostuaren osagarri orokorra	Berriazko osagarria	Oharrak
133000	4	Kudeaketa Prozesal eta Administrazioa – EZ	G	LA	A2	Kudeaketa P.A.	Gradua*					4.390,20	16.424,52	
133000	5	Kudeaketa Prozesal eta Administrazioa – EZ	G	LA	A2	Kudeaketa P.A.	Gradua*					4.390,20	16.424,52	
133200	9	Kudeaketa Prozesal eta Administrazioa – EZ	EB	BL	A2	Kudeaketa P.A.	Gradua*		C1C1	2025-12-01		4.390,20	16.424,52	
133000	6	Kudeaketa Prozesal eta Administrazioa – EZ	G	LA	A2	Kudeaketa P.A.	Gradua*					4.390,20	16.424,52	
133200	10	Kudeaketa Prozesal eta Administrazioa – EZ	EB	BL	A2	Kudeaketa P.A.	Gradua*		C1C1	2025-12-01		4.390,20	16.424,52	
143200	22	Izapidetze Prozesal eta Administrazioa – EZ	EB	BL	C1	Izapidetze P.A.	Batxilergoa edo baliokidea		B2B2	2025-12-01		3.732,36	12.775,92	
143200	23	Izapidetze Prozesal eta Administrazioa – EZ	EB	BL	C1	Izapidetze P.A.	Batxilergoa edo baliokidea		B2B2	2025-12-01		3.732,36	12.775,92	
143000	6	Izapidetze Prozesal eta Administrazioa – EZ	G	LA	C1	Izapidetze P.A.	Batxilergoa edo baliokidea					3.732,36	12.775,92	
143000	7	Izapidetze Prozesal eta Administrazioa – EZ	G	LA	C1	Izapidetze P.A.	Batxilergoa edo baliokidea					3.732,36	12.775,92	

